

UUM sasar 80 penyertaan

Alor Setar: Universiti Utara Malaysia (UUM) dengan kerjasama Kementerian Pendidikan Tinggi akan menganjurkan Kejohanan Golf Institut Pendidikan Tinggi 2016 yang akan berlangsung dari 29 hingga 31 Mac ini di Darulaman Golf & Country Club, Jitra.

Penganjuran kali ke-6 itu adalah kejohanan utama yang dianjurkan di peringkat institusi pengajian tinggi Malaysia yang mensasarkan penyertaan 80 orang pemain golf amatir dari semua universiti awam, universiti swasta, kolej komuniti dan politeknik.

Pengarah Akademi Golf Nasional UUM Prof Madya Dr Azman Yasin berkata penganjur bercadang untuk menjemput pelajar dan pemain golf amatir dari universiti negara ASEAN dengan Thailand antara negara terawal mengesahkan penyertaan setakat ini.

Azman berkata kejohanan golf itu juga medan terbaik untuk mencari wakil negara ke Kejohanan Golf Universiti Dunia di Brive-La-Gaillarde, Perancis dari 22 hingga 26 Jun ini.

Sebelas kategori dipertandingkan sepanjang kejohanan tiga hari itu membabit kategori Lelaki Individu Gross; Lelaki Berpasukan Gross; Lelaki Individu Nett; Lelaki Berpasukan Nett; Wanita Individu Gross; Wanita Berpasukan Gross; Wanita Individu Nett; Wanita Berpasukan Nett; Lelaki Jemputan Gross; Wanita Jemputan Gross dan Jemputan Sekolah.

BERNAMA